

尚

綱

堂

集

尚絅堂詩集卷四

陽湖 劉嗣綰 醇甫

刻楮集

庚子
癸卯

此庚子辛丑壬寅三年中作也時方事舉子業間以其暇託興詞章率多緣情體物之作比於宋人之三年一葉均無當於成而已

子夜歌

寶帳壓流蘇與歡不復且惱殺鄰家鶯朝朝打金彈
歡情手中線頭緒理不止脫儂臂上紗與歡繫終始
儂有玉連環解作九九看但結不復解使歡愁無端
贈儂一握椒投菓歡口中問歡故無言辛苦同不同

水仙墩雨憩

鴨綠平如掌春波日夜嬌還尋水仙影一蕩木蘭槎楚夢
畱雲住吳歌隔雨招門前芳草色青徧幾裙署

雨窓曲

沉沉屋角啼雙鳩浮空一笠天低頭畫船飛入鏡中去平
綠牕紗生遠愁散絲飄飄機杼龍女凌波濕羅襪石上
青苔似海山烟鬢脫盡仙人髮雨腳吹笙那可聞短屏書
夢寄湘君玉爐香斷不成篆畫壁蝸牛蟠古雲

送秦梧桐之吳門

天涯芳草色綠到闌間城春思已如此王孫何處行寺深
都繫馬樓好不離鶯說與秦楊柳因之畫晚晴

梧桐善畫
楊柳人稱

柳
秦揚

湖上晚歸

畫出春人影都如蛺蝶飛風中迴楚袖水上卷秦衣煙橈
三五里倒載月明歸

碧城

碧城十二最蕭寒何路天風下綵鸞獨坐春闈看月暈不
分明處是團圓

仙桃引

春風破紅吹古桃鮫綃前落仙雲高燒痕滿山著不得鷓
絃飛入琵琶槽琵琶棖棖彈玉瑣催得谿頭樹如火溪光
潑上東南樓桃鬢一尺看梳頭

野行

行出野塘路短籬黃蝶飛藤梢太無賴一步一牽衣
秋千故可惱送影過墻東雛鶯不相識背面罵東風

病起湯興

不勝風雨又啼鳩寂寂重簾自下鉤幾日略如眠柳倦一
春常替落花愁薰香小閣供癡坐讀畫空堂當遠遊草色
爲誰萋更綠等閒情緒易成秋

吳宮

沸天絲管在蘇臺白紵風前舞幾回恩怨不分啼笑雜
人只合捧心來

楚宮

宮裏織書畫不如章華侍釐道爭除君王夜夜遊雲夢可有樊姬諫獵書

秦宮

秦時明月滿妝臺鏡裏雲鬟迤邐開三十六宮還望幸人間何處到蓬萊

無題

天際朝雲畫遠愁婦人鸚鵡喚梳頭桐陰簾幙寒三逕竹
桁衣裳翠一樓新樣東風吹玉笛舊家明月在銀鈎門前
儘有桃花水可許題紅似御溝

春陰不隔翠房櫺譜到閑愁會惱公人望文牕書錦字客
來江館詠屏風花香並燕栖梁上山色如鴉落鏡中欲洗

豔情無個法
篆烟裊斷萬緣空

殘醉

殘醉倚香篝
輕寒不下樓
斜風歸暝色
側月上春愁
亂草催人去
閒花背客休
玉笙吹未歇
當日此清遊

曉牕謠

煙鬢高低鏡中沐
生色屏開浸濃綠
曉鶯啼破碧城春
二十五郎天上曲
雲牕深貯千娉婷
背掃仙蛾長短青
釵頭鬢裝玉胡蝶
扇底翅壁金蜻蜓
碧紗飄烟出魂夢
香羅帶子垂垂重
春梭拋擲下高樓
花外回身抱么鳳
了了仙漏敲闌干
秦臺鬢髯停雙鸞
愁紅恨紫莫吹入
流蘇押住東風寒

風箏十六韻

卽鉄馬

別索巡檐笑來聽繞柱聲月中停漢佩風外走秦箏玉琢
丁丁碎珠穿乙乙成影疑懸麗殿紋欲界楸枰蒜押干囊
小花鈴九子清落將龍骨瘦飛上燕身輕繫足誰安雁排
空忽語鶯三條聞拉雜一片寫分明滉漾搖雲母玲瓏夏
水精當樓諧鈿笛隔座和瓶笙上界喧初至中央韻自生
任他金冉冉輸爾鐵錚錚肯逐竿烏轉渾忘瓦獸驚剪刀
終夜放砧杵幾家鳴銀甲誇深院銅壺記淺更雨淋歌一
曲何似蜀山行

春陰得句

輕陰只傍宋家牆小字蛛絲滿畫廊燕子樓深聞太息楊

花路遠費商量鏡波不許春愁淺香篆能留午夢長便當
風前看鬢影落紅如雨坐琴床

冶春斷句

芳遊喚得總宜船爲賜春陽折簡傳一種泥金新畫葉韋
家簇蝶孟家蟬

牙籤珊格滿琳琅閣帖誰題陸女郎自對洛神臨小篆金
釵斜界十三行

青絲步障謝娘家依約屏風曲曲遮擲罷金錢成一笑背
人深夜拜燈花

盡日

盡日歌梁不動塵平分芳樹出東鄰垂簾算奕留仙客隱

凡看花當美人明鏡自彈紅雨淚玉壺誰買綠天春等閒
鷓鴣枝頭語認得歐陽夢裏身

怨歌

門前瀟瀟雨送郎立首側郎馬泥上行蹠痕乾不得

繡嶂街遇雨

尋春賞遍酒人家歸去忽忽帽影斜行過小橋風雨至一
聲山鳥落松花

雨坐

一雨坐成暝玉壺無此京地因移樹綠衣爲近花香蟲語
不離枕鳥聲能繞梁日來三徑寂何處覓求羊

蓮塘詞

作系生言集卷四
三
鬢唱壓雲雲背寒仙衣飄上紅闌干闌紅人去翠娥泣愁
煞漢宮銅露槃西風簾幙生惆悵綠荷無語空相向莫信
郎心似妾心明珠一夜都搖蕩

明河篇

天風吹波洗烟島佳期不來烏鵲老牽牛一夜望明河淚
滴紅牆化幽草仙家離別良可憐匏瓜出土根在天人間
空有支機石填海冤禽亦頭白

雨廳

秋雨響疎寮秋燈破寂寥嫩涼生菡萏清夢落芭蕉漏滴
年光盡香枯世念消夜衾空似水箏柱不堪調

初秋遲施雪帆韓景圖杜漱巖夜話

秋光閑冷似山家竹影留人箇個斜涼夜曲高爭和蚓碧
天更盡尙聞蛙偶思讀畫牕先白正欲題箋月更華多謝
琴中作泉語石床彈醒水仙花

子夜鬼歌

神燈照路秋蕪平烟窺月魄飄淒清鬼腰束素下人世碧
空傾倒芙蓉城松蘿如帶不到地裊斷銀灣佩聲細亭亭
古竹立湘娥愁倚銅瓶照雙鬢蟪蛄吊影空井寒庭前慘
綠紛成團金盞花低自開落五更滴淚紅闌干香烟起處
開蘭若鮑家墳上風吹馬野火多情不肯飛霜原化作鴛
鴦瓦

神絃曲

花竿離離願門立靈風盤旋旛百結虛堂轉絃聲慘切華
燈翠旗光不滅高低插燭金銀臺香頭結字神筵開楊枝
飄烟落天外巫女如花向空拜弓刀動壁森兩班馬蹄隱
隱神還山神之還兮奈何許拉雜絃聲蹋秋雨

小病

小病意如何閒門冷翠蘿孤懷秋佇月素影夜流波遣興
蕉三葉研情墨一螺玉鑪烟不斷誰唱步虛歌

芳樹二首

一叢芳樹一萋迷山館東頭水閣西風露幾番成獨立星
河昨夜爲誰低綃封淚雨紅猶泣髮剪香雲綠未齊喜字
漫書三十六蛛絲網壁不堪題

天半垂楊綠畫樓斷魂還記舊來遊更衣鏡裏珊珊骨願
曲屏邊剪剪眸明月未圓通夕夢好風如話隔生愁蕭蕭
紅葉門前下不信人間有御溝

河口進香詞

寶篆蟠蟠字芳燈細細塵祇歌三婦豔不唱二郎神
團扇紅乘霧仙裙綠剪雲降真香一炷先禮玉華君

曉出溪橋

落葉滿寒塘開門踟躕霜塢空山色近橋斷水聲長漁市
烟初合僧船渡最忙此中喧寂異渾欲問行藏

寒牕曲

紇千雀凍西山頭竹枝掃瓦風颼颼一峯綠慘不成畫長

眉低盡寒空愁絮雲驚墮如花片夕陽闌角慵添線丁丁
蓮漏轉庭陰短景催人無一箭燭光冷翠搖樹雅文牕六
扇圍輕紗春風破笑學宮額月痕逗出黃梅花

齋中遲友不至

寫出江南影寒燈小雪天銅鋪春選夢石鼎夜搜聯病况
無人問孤懷倚佛憐瓶花莫輕落伴我過殘年

除夕

萬斛葡萄酒今宵一醉醒燈花妨夜雪爆竹亂春星銀雁
圍秦柱金鵝上蜀屏依依小兒女不解鏡邊聽

種桃詞

桃邊與郎嬉心性兩不合郎自愛桃花妾自愛桃核

春風太唐突次第入花叢莫上桃花面憐他向背紅

湖上

冷翠滴重湖湖光潑畫圖風疎水楊柳烟暝石菖蒲小劫
尋胡蝶深愁避鷓鴣酒旗紅不定花外有當壚

春堤曲

山花然晝仙桃爛鳥鳴眠沙隔溪喚橋上衣香抱日來彩
雲一片春塘散秋千飄春過墻腳華林公子驚弓繳天邊
翡翠滿炎洲浪把金丸逐飛雀樓臺水側烟霏微一鞭卻
向花叢飛老紅雛綠背人泣草痕繡入文君機

春曉

小樓時有人愛惜好畧身鏡裏楊花入分明不是春

閑情

櫻桃庭院枇杷門問訊東風幾樹溫香漸少薰因病肺曲
無多讀輒銷魂花前了了新弓印竹上明明舊爪痕怕向
小闌尋影事墻東容易月黃昏

春事

春事已如此春愁將奈何風懷青鬢減別恨翠眉多蝶趁
山香舞鶯翻水調歌華年猶好在未忍怨蹉跎

養蠶詞

飼蠶出采桑蠶多苦桑少回身拜三娘願妾蠶熟早
采桑郎在門郎行妾徘徊頭蠶還未熟辛苦上山來
郎是蠶心腸纏綿吐不已妾是蠶腰身三眠復三起

人言蠶太巧，妾言蠶太癡。勿使心緒惡，恐蠶成亂絲。

溪亭夜坐

荷氣冷如雨，曲塘生早秋。扇隨秦霧去，簾入楚雲流。鶴警偏當檻，螢疎不上樓。紗牕真一水，夜夜宿牽牛。

蓮蓬人十八韻

洛浦朝霞薄，湘天暮雨涼。蓬科生下界，蓮子在中央。恰上龍鬆髻，初成鬪掃粧。飄飄吳帶舉，綽約楚襟當。髮想搔頭短，心憐徹底長。前生低翠袖，後夜脫黃裳。小字青青喚，圓期的的將。向來持暗鏡，隨意弄明璫。抱艷迎三婦，含嬌送六郎。迴船愁玉井，倚扇怯銀塘。固有芙蓉粉，胎無豆蔻湯。分形驚蛺蝶，對影浴鴛鴦。解語臨秋水，停歌到夕陽。幾番

依碧檻回首歛朱房一响羞瓜破全身笑橘藏任從風柳
起肯代露桃僵越女曾彎臂吳兒最斷腸昔年梳洗處漂
泊藕絲網

立秋夕顧斐瞻傳爰夜話

桂叢蘭浦正蕭寒涼露侵衣未肯乾我醉忽聞天上語君
來真作月中看閣橫一水疑窺鏡人似雙珠欲走盤清峭
關山渺無極不辭高處倚闌干

月宮曲

廣寒搗藥聲丁當三十六天清漏長素娥歛翠怨遙夕亭
亭倚樹看吳剛濃香成團桂生蠹滿眼方諸泣寒兔元霜
手贈更無人十二盤空洒秋露玲瓏八寶雲仙戶飄落霓

裳織煙素人間團扇製不成一尺天河喚帆渡

雨夜

水精眠夢不會長秋雨秋風滿曲塘一夜綠荷珠盡碎起
籠銀燭照鴛鴦

丹陽舟中雨

一枕水鄉風長天入短篷雨聲全作濕湖氣半成虹社冷
雞豚散田荒雁鴛空長官誰鄭俠澤國繪難工

與虞旭岡話舊卽簡

讓棗當年事看花此日身別顏如夢好情話比書真袖有
章臺筆衣無紫陌塵似聞虞學士吟出雨中春

自太虛觀晚歸

樓臺只在晚鐘前，風外亭亭裊篆烟。
佛號傳來鸚鵡地，仙音唱出鷓鴣天。
銜山好月渾無語，近水秋星最可憐。
隱約小茅峯一角，白雲何意慣高眠。

淨土寺樓

仙人住高寒，樓居乃所好。豈知梵王家，三竺比危附。
天開淨玉峯，地積布金密。盤盤一梯雲，畫壁肆遊眺。
駕煙香象走劈浪，金鳩叫雁王。蹴水驚鹿女，蹋花笑法雨。
飄紺華香風灑，清妙龍山飛。翠來落日相照曜，人言洪武初建此。
或廣孝豐碑詞一闕，尙挾鸞鳳嘯。有明太祖百字令詞石刻未聞石佛言誰見銅仙弔，至今昆明灰百劫。飛不到丹青鬱浮屠，金碧麗象教。千玉祇樹林，松柏間竹篠。水色羅漢身，潮音普陀

廟欲問霞標蹤空潭月流照

歸自小南門

寒雲一片覆茅庵買酒人歸已半酣
獨立霜橋楓落盡門前水色似湘南

湖晚

搖動蓼花影夕陽天渺然漁家數行鴈
驛路一聲蟬初月白連水暮煙青
上船遊蹤真澹絕合與畫斜川

秋望

塔影枕明流波紋染素秋煙中黃葉寺
畫裏白蘋洲敗蘆猶行蟬空灘不上鷗
依稀帆落處樹杪有高樓

書感

溪雲葉葉送輕涼閒逐遊絲出畫廊薄髻與蟬無恙綠生
衣如蝶不勝黃別來盡眼惟秋水終古傷心是夕陽獨掩
畫屏思往事亂飄烟月下瀟湘

秋江引

白蘋飄殘江口花暮色綠上江樓紗雁聲搖櫓載秋去秋
魂零落江妃家凭闌水底無人共扇骨如仙憶秦鳳水精
枕簟寫湘天亂卷南雲不成夢玉池露冷蘭銷紫翠幄添
香燠鳧子迴身空抱舊蓮房七十鴛鴦守紅死風蘿搖月
走不停江上碧峯如短屏仙人鶴背一清嘯烟中掃出長
蛾青

秋日江上見燕

夕陽紅到鷺絲家
水蓼枝枝入畫斜
漁艇不來秋去遠
一雙燕子絮蘆花

江樓送客

別酒在江樓
帆懸樹杪秋
斷虹明楚尾
一雁下吳頭
烏帽誰吟伴
紅衣此釣舟
晚來烟水苦
漂泊幾沙鷗

夜過練湖

葭菱綠連天
寒塘夜扣舷
沙明疑積月
水迴欲生煙
江上雁初起
蘆中人未眠
鼓祠何處火
蹋浪響神絃

潭水

潭水漾空星
三三兩兩螢
煙浮茶塢白
月出柳塘青
鵲語來銀浦
龍吟有洞庭
此時漁笛起
清絕共誰聽

雪夜

金鴨眠來熟銀鵝舞不停詩脾憑雪浣酒面受風醒熨火
修笙譜呵冰製硯銘玉叉如展畫瘦竹數竿青

小立

小立柴門日幾回吟筠與客儘衰寒雲漠漠輕於絮細
草茸茸短似苔野鶻自連斜照落溪鷗都爲好風來朝川
詩句斜川記取次山圖鏡裏開

同人訊余病此簡

碧雲吹墮鴈頭箋只任春城抵各天開送落花成隔世每
尋芳草動經年風光短似將殘燭客思寒於久禁煙惆悵
曠塘數株柳輕緜飛盡尙高眠

答馬雲隄遊山之約

梨花吹雪晝冥冥，便恐東風喚不醒。
詞客園亭彈淥水，春人樓閣隔華星。
題橋興偶閒中得，畫壁詩如夢裏經。
昨夜更添新漲好，古華山色上船青。

簾鉤

萬尾飄書幌，鴉叉拓畫檐。
曲瓊初拂戶，精押半垂簾。
燕剪風生錯，蛾眉月讓尖。
低懸銀蒜小，高卷玉葱纖。
襪印弓弓近，衣香葉葉添。
漫橫丁作字，聊借乙題籤。
曲有連環意，人無破鏡嫌。
郎肩行處拍，女手向來拈。
倒挂形隨鳳，交飛影共鷓。
收香輕似鳥，上竹冷於鮎。
此地遮紅軟，誰家護黑甜。
蓬山停一桁，湘水約雙匳。
步障圍談麈，心旌曳酒帘。
花垂

春寂寂草入書厭厭隔座新歡送封侯昔夢淹難忘粧閣
畔夜夜落明蟾

曉起慈雲寺觀荷偕侯冠芳華蘆仙

四面闌干落鏡中弄珠只在水晶宮仙人掌冷日初起片
片濕雲衣上紅

舟出申浦

暮色冷蕭蕭輕帆出畫橋酒澆黃歇浦簫咽伍胥潮漁火
沿塘宿樵風背郭飄中元烟月近故鬼幾家招

題蕉

一片青鸞尾仙雲掃地來翠痕新劃竹綠字舊封苔夜雨
心都卷朝雲手自裁那知簾閣底秋扇怕重開

江南弄

柳絲搖夢秋江尾樓上橫眸落波底吳山浴罷晚更愁一點烟鬟收不起蜻蜓孤飛撲空綠沙影蕭蕭帶修竹漁人不來榜人宿城上烏啼楚宮曲

夜思

新涼生翠幄竟夕起相思風竹有聲畫草蟲無字詩橫塘歌鴨子小閣開蛾兒貯得清光好秋燈寫楚詞

越郡氏湖樓

暮雲濃似墨浮出一峯青雁路開屏見龍吟側枕聽風荷枯曲岸露菊散疎櫺落日招漁父無人管醉醒

巷口

曲巷記條條年時夢謝橋詩情風柳絮畫意雪芭蕉爪印
闌邊記香痕閣上銷可憐秋路遠吹斷碧空簫

舟過青墩

寒蓬兀兀思騰騰鄉樹雲停黯別魂七十二灣吟眺徧一
天殘雪上青墩

立春日歸自北郭

牛星廟口鞭絲斜陽春腳落山人家山人揖春出門去籃
輿兀坐看梅花雪中飄蕭扶不整一笑蒙頭酒風醒羯鼓
聲中月又圓滿城夜走春燈影

別院

別院愔愔路幾重夕陽依舊在簾櫳尙疑金彈拋墻外誰

信銀瓶落井中草色自來隨意綠花魂欲墮盡情紅闌干
拍徧無人會鈴語分明是斷風

湖橋

風光渾與草芊眠雁齒紅斜鴨綠邊留客不知停勒地困
人無奈築毬天空濛柳眼方啼露零落山眉待掃烟記得
樓心題柱字墨痕銷黯又經年

閣中晝坐得句

小閣無人過雲煙黯不開軟風生白葛絲雨熟黃梅墨淡
偏宜晝香濃未肯灰松聲應解事茶夢莫驚回

尚絅堂詩集卷四終

尚綱堂詩集卷五

陽湖 劉嗣綰 醇甫

二十四航集

癸卯

是歲秋試小住白門六朝山色中酒篷吟榭留題殆
徧彙其遊草別爲一編

舟行

欸乃破空綠一帆行鏡中離情瓜蔓水欸語藕花風楚澤
明孤鷺吳天沒斷虹遲君閑話舊吹篷倚秋篷

石頭城

送盡降旛影飛花滿石頭岸巾思醉客麾扇憶名流舊桁
題朱雀新亭唱白鳩不知桃葉艇能載幾多愁

青溪小姑祠

一水更無梁楊枝兩岸長宮中呼蔣妹江上笑彭郎曉露
飛粧鏡春星結佩璫麗華祠畔月何事過橫塘

秣陵秋興

秣陵秋好不會閑簾卷淮流第幾灣照眼舊來三閣月掃
眉真見六朝山曲中玉樹留人住筵上金花宴客還偏是
泥他腸易斷夾江疎柳唱陽關

丁字簾前詠玉鉤曲屏悽斷舊風流漫來好語傳青雀空
爲離情繫紫騮水閣雲山歌子夜畫船煙月蕩清秋花枝
酒海閒惆悵贏得狂名滿石頭

秋娘江上怨離群唱落天涯月幾分桂殿鏗涼多在水蘆

汀蘋燕蹴於雲吟詩自擁青綾被度曲誰翻白練裙昨夜
酒醒人盡散波紋如簟送湘君

一曲清溪一斷腸無邊風月在橫塘連天霧影迷三里此
地雷聲走七香綠酒清尊談北夢紅牙紫板奏西廂長橋
倚遍秋如水多少南朝舊夕陽

鷲峯寺

此地非靈鷲風來寺欲飛古苔生佛脚新聽潑人衣樹樹
經黃落峯峯失翠微莫尋江令宅明月滿荒扉

六朝松

補出滄桑景長松入畫看空餘朝士淚不受大夫官雨雪
龍鱗老江山馬鬣寒濤聲聽不得輦路走千盤

胭脂井

胭脂淚滴相思海井底華星化成鬼人間敲斷景陽鐘長
夜茫茫宮怨改美人同辱不同死髮光七尺寒如此回首
青溪血影涼月宮哭煞嬋娟子紅心草上螢火然宮人好
夢何曾圓君不見吳宮亦有西施井載上燕支漚畔船

雨花臺

賸得荒臺在斜陽曬衲衣諸天花雨散此地草烟稀臺上向不
生草鴛有千鈴響爲無一紙飛叢祠齋鼓散帝鬼亦啼飢

金川門

金川遺恨最蒼茫吹墮燕雲卧榻旁已見股湯傳太甲誰
知姬旦負成王天連星象驚闐闐地擁山靈護建康獨立

荒祠重回首殘鐘斷磬滿斜陽

雜題

煙雨來尋十六樓情懷小極莫江頭西風斷雁拖橫幅染
出金陵一半秋

枯荷敗葦莫愁湖何處行人覓酒壚一陣莫寒江上絮白
門多少欲栖鳥

疎柳蕭寒挂路歧荒煙一抹總然疑臺城無限傷心在錯
向西風恨酒旗

斷碣前頭取次經卞侯墓下草青青臨行指點梅岡路落
日寒鴉木末亭

夜宴曲

金風吹波秋灑灑天壓銀河開酒面美人昨夜月中歸偷
學霓裳衆僊宴紅牙拍低音節緩人間不覺秋宵短沈沈
蓮漏簇歌心二十五聲愁不轉亂鬢公子十萬纏淺掛低
唱飛觥船當筵紅豆不停手字字記得吳音圓綵雲欲散
銀屏悄可憐螭淚成堆掃雞唱誰家報汝南一聲碧樹連
天曉

借丁性初過蔣淥初夜話

秋光占盡子城彎十里簾波打槩還一縷茶烟遮不住丁
家閣上蔣家山

小住

小住白門秋吟懷向渡頭練帽新樂府團扇古風流紅寺

盟蕭帝青山拜蔣侯不應江上月還照望仙樓

代贈

屏上吳關更楚關彎彎月子唱刀環鏡前擁髻愁通德鏡
裏更衣喚小蠻泥我一雙紅玉手惱他十八綠雲鬟只因
解讀鴛鴦賦愁煞江南庾子山

夜泛秦淮

淮水綠於油淮亭載酒遊美人秋倚檻仙客夜同舟小鴨
紅裙裹輕螢寶扇光謝公山下望絲竹若爲愁

白門惆悵詞

金粉江山劫後灰小姑昨夜過溪來春風點絮迴香閣秋
水生蓮下鏡臺四角盤空留舊製六銖衣薄換新裁不知

商女樓頭月照過仙雲第幾回

九子鈴聲下碧空畫廊小語亦丁東香奩讀曲桃花雪步
障吟詩柳絮風雙結同心金盒小五絲續命玉臺工紅藍
一樹南朝景只隔芳塘是故宮

粉鏡深深喚小憐卷衣玉手總如烟尋芳院落靡蕪地
夢池塘菡萏天無賴任拋雙陸子有情爭上十三絃一簾
秋水青谿住別築粧樓署望仙

四百紅橋草似茵鈿車碾破陌頭塵春風宮怨金樓子夜
雨鄉愁翠被人絳樹尋聲雙按拍青荷照影一沾巾卷中
減却崔徽樣自對空江寫洛神

拾翠歸來路欲蕪天涯不見莫愁湖西牕曉夢玉鸚鵡南

浦離心鄭鷓鴣小別更防紅雨落大垂空倩碧雲扶草娘
一病疎慵甚狼籍宮裙簇蝶圖

瑤樹風來思不禁景陽宮外月如襟何當春夢鴛鴦什又
入秋鐙蟋蟀吟才子華年憐錦瑟美人薄命怨青琴不堪
更聽思歸調盧女門前夜夜砧

迴舟

迴舟當日暮繫纜藕花間遠道傳紅鯉人家對白鷗興餘
茶竈渴病惜酒杯慳欲解凌波佩湘臯洗俗顏

晚過寂照禪林

雨脚忽飛斷半山明夕陽鐘聲蕭帝寺樹色贊公房有客
吟秋綠誰家唱夜黃欲尋鄉鬼語薜荔舊宮牆

舟夜見月

月出謝娘邨行舟斷客魂鷓鴣啼白曉雁檣語黃昏漠漠
水蘋色蕭蕭沙柳痕關山今夜笛哀思不堪論

小長干曲

郎住長干頭妾住長干尾只隔綠楊灣風波一千里
西風吹妾夢飛度長干曲化作楊柳枝隨郎入船宿

秋扇詞

西風十日太炎涼拋到齊紈最斷腸清恨分來孤客枕閒
情付與女兒稱庭前團綠添秋怨江上枯紅罷晚妝爲有
舊時懷袖意不堪棄置要思量

橫波卷盡舊簾紋葉葉衣香賸幾分四百輕鸞歸畫障一

雙仙蝶在羅裙前身似爾原明月後夜相思只隴雲留取
天生好風骨水精枕簟憶湘君

西牕剪破碧芭蕉一卷芳心更寂寥
翠袖自憐風色冷霓裳空怨水聲遙
竹枝墮淚成千古桃葉傷心問六朝
今日飄零隨篋底蛛絲字跡總魂銷

碧天敲斷女嬰砧消受青奴恐不禁
一例飄零名士樣十分冷落美人心
舊情漫憶陳思蓋新夢難忘越鄂衾也似
當年白團扇爲他辛苦費沈吟

雨夜

枕上雨闌珊紅燈背壁殘
秋情羅幕冷世味楮衾單
烟月此生足風波來日難
腰間長鈇在淪落向誰彈

秋齋夜思

娟娟片月冷窺扉人坐空堂夢亦稀
新竹一生憐翠袖好雲終夜妬羅衣
墨浮曲沼魚都上琴落平沙雁不飛
清興近來多約束磬聲鈴語是因依

送侯冠芳之武林

野店重攜綠酒壺小重陽後蹋寒蕪
一城冷雁濛濛落開出湖亭水墨圖

後夜停雲第幾峰湖天遲我一枝筇
思君欲化秋空月飛上南屏聽晚鐘

尚綱堂詩集卷五終

尚絅堂詩集卷六

陽湖 劉嗣綰 醇甫

獻賦集

癸卯
甲辰

卯冬同人相約獻賦往返吳門旋以明春應試金陵
行在露初星晚互相唱酬有負題橋無慚畫壁

寒夜舟出望亭

側臥響鳴榔移篷出野塘疎燈明蟹舍寒月瀉魚梁喚酒
且中坐聽鐘還上方扁郎知我意十里棹歌長

過閭門

寒塘稜稜水骨長船頭打篙後移檣鷺絲立盡老魚驚一
片青瑤作哀響凍衾如鐵酒力輕短燭入夜搖光晶夢魂

推得冰人過腸繞閭門萬杵聲

湖樓感舊

尙有如眉月樓頭晝淡黃闌干空甲夜絃索罷丁娘曲宴
燈雙樹芳遊鏡一塘別來迷處所門外是紅墻

送友人之浙中

吳波不分繫蘭橈却立離亭浣酒瓢柳色曉連淮浦雨松
聲寒入浙江潮頻年落魄餘青鬢一夜銷魂有綠腰臨別
寄聲天外雁送君搖櫂過三橋

食薄餅戲作

春宵寒具無人薦壓酒吳姬開餅宴小飲誰當司馬壚高
談忽入公羊店粉餌唐宮製未傳餽餽楚俗風初變杯筵

別試月兒羹界尺爭裁剪刀麵笑我飢腸大似盤誇渠妙
手輕於練玉杵千番打疊成瓊肌十字分明現快卷重重
春雪膚平鋪片片秋雲面雙鬢雀舌還待烹一握鵝肪不
盈嚙說到才人語定工畫來名士聲原賤莫將好會侈紅
綾聊用新詩寫黃絹

燈花四十韻

讀畫蕉牕底彈棋竹院前鐙繁含四照花萼吐連駢幕做
丁香結盤開甲煎然昏搖銀作海暖映玉成田粲爛華芝
五光明佛粟千莖宜抽綠惹朵欲擘紅蓮燕剪工裁刻螢
囊好貫穿青青如豆小顆顆勝荷圓到處鯨膏潤誰家蠟
淚懸罷書燕地燭曾禁漢宮煙舊恨繁歌榭餘歡泥舞筵

裊裊九華扇倚旒七香鞭錯綵圍青女裁裳護絳仙紅紗
和雨罩翠幔任風牽鳳倚亭亭脛龍垂宛宛涎留徽飄雁
柱結響落鴟絃麝屑殷勤搗螺痕仔細研譜翻京兆筆圖
仿洛神篇妥帖屏山寫歲蕤璧水旋一層雲在隔三里霧
遙連並蒂真堪喜重臺絕可憐本來光掩映何止思新鮮
小別人如月尋常夜似年鬢絲飄欲起心字篆難全入夢
傳雙笑和愁照獨眠背時看擁髻籠罷憶憑肩薄暈呵秦
鏡輕煤埽蜀牋無心理刀尺隨意卜金錢冷艷遲挑錦溫
香早熨棉斗餵銅鴨頓釵裊玉蟲偏蛾化都盈箔蛺飛不
上鈿映帷驚蝶亂銜壁訝蟬聯落並繁星快敲難石火延
依微方墮地幻極又生天寸草心何極孤根力易煎焰深

防碧燼灰冷惜紅嫣
燕桂情懷苦燒蘭氣味妍
書空餘結撰綴影尙躡躑
露掌金仙外星牕玉女邊
誤他重下拜眉月又成弦

上元夜齋中獨坐

春城無事問金吾
品字新柴卍字爐
柏子畧參香意味
棊花全破睡工夫
一番羯鼓催青帝
十樣蠻牋賽紫姑
誰識六街鐙火後
有人愁絕夜啼烏

湖樓詞

湖光抱日烘春影
雲母屏開一千頃
翠濤飛上綠楊堆
殢雨尤雲愁半嶺
闌干百尺鶯啼新
花魂欲墮風遼巡
遊絲拖夢過江去
手卷空簾愁煞人

山塘卽興

翠箔卷天涯吳山四面佳歌筵人似月畫舫酒如淮日度
名花影風開好鳥懷相攜檀板在一爲譜吟牌

天半綵雲飄仙音四百橋都將紅豆子拋上木蘭橈座客
工吳語歌童亦楚腰山塘回首處暮雨又瀟瀟

題水閣

一程春雨一程愁小閣重簾水上頭依約曉牕人未起賣
花聲裏到蘇州

五人墓

東廠傳呼日南冠被逮秋義聲傾市井俠骨重山邱瓜蔓
先朝禍茄花萬古愁要離魂魄近穿冢倘來遊

春渚

春渚荻牙肥輕鷗逆浪飛山香吹客帽水色畫僧衣烟翠
空城合風花斷港稀往來無舊識思叩楚人扉

過亦園

門對滄浪結賞心不須絲竹自清音宮鶯樹底通吳語山
鷓枝頭動越吟千日醉鄉容脫幘十年詩社漫題襟辟疆
去後名園少把臂何人共入林

春漲

春漲碧迢迢蓉湖小鴨嬌幾家臨水住終日隔花招綠樹
魚鱗屋紅泥雁齒橋晚來潮正滿隨意喚蘭橈

春曉

信齋詩集卷之二
深樹月微明推牕聽早鶯背燈殘夢去窺鏡曉愁生病爲
傷春渴心緣養道清端居資勝味那不薄時名

碧天

碧天無際夜迢迢閒數春星伴寂寥薄命佳人題錦瑟工
愁素女字靈籥浪尋香草吟娃館慵蹋楊花夢謝橋悵斷
昔邪房一曲未曾經別已魂銷

楊花曲

陌上連朝賦懊儂眉梢眼角半惺忪分明認得春歸路却
隔春愁一萬重

木棉衣重退香篝撲帳濃雲到曉留閒倚繡簾吹不斷是
儂輕薄是儂愁

絮盡湘簾燕幾雙
春寒如夢隔紗牕
柳絲挽不郎
心住吹上征衫共渡江

送盡香車送畫船
風前那得了愁緣
沾泥不作無情死
要著青萍個箇圓

縈肩拂面滿晴空
特地飛來正惱公
滿眼綠陰都結子
幾時真個嫁東風
春愁脉脈惹斜陽
人在闌干易斷腸
十里紅樓魂夢遠
曹騰若個不思量

渡揚子江

春愁滿揚子
載取一帆寬
明月有餘艷
綠雲如此寒
古歌橫短笛
新夢上長干
合有江妃笑
船頭弄水看

春江月

春江月上弦一畫一回妍
新比當風柳嬌於出水蓮
迢迢簾押底灑灑鏡臺前
樓迴難乘霧闌空易抱煙
霜華能艷夜花氣欲勝仙
竹認冥濛路梨窺白午天
乍來溫酒面却立冷隄肩
遠色通千里幽輝入去年
影低歸院燭涼佇隔墻
絃扇魄寒猶怯衫痕淡
可憐催雲將曲墮流夢與波圓
打槳前谿去分明笑獨眠

春城雜題

春夢正模糊春城唱鷓鴣
幾時芳草色青到暮愁湖
蕭寺一林燈空明塔幾層
長松無恙在不見六朝僧
莫與勞勞客重聽緩緩歌
春城樓一角夜夜落星多

燈席卽贈

月額初三畫影娥春人樓閣隔秋河空勞好句吟紅藥可
有閑情繡紫荷黛色帶愁臨曉岫釵光分笑落橫波屏風
十二行行字拋得明珠幾斛多

丁巷

獨有春深柳依依覆女墻風停垂手舞月上掃眉粧後夜
聽雙瑣前塵走七香白楊相近在十字最淒涼

題畫扇

綃金帳子玉鉤斜風月閒尋到謝家懷裏盈盈人面樣自
攜宮扇仿桃花

東風昨夜障齊紈葉葉裁成月影團扶近春山和病寫不

勝眉綠趙鸞鸞

集李氏水榭

華鐙小隊下屏風，翠館朱樓接素空。
公子風標原立鷺，美人意態總驚鴻。
篋中秋扇愁團綠，江上春衫怨洗紅。
消得雲英詩一首，可憐羅隱在江東。

素雲曲

自家纖纖楊柳枝，宮腰一束風一絲。
鉛華洗盡著丰韻，春工愁煞紅燕支。
鮫綃雪色唾牕底，水晶簾幙微微起。
滿身風水寫瀟湘，帽帶低飄白鷗尾。
夜來酒面不受薰，翠被夢疊梨花雲。
新詩封寄藐姑射，九疑回首雲中君。

北山詞

北山自張羅南山自飛鳥南山徑太多北山人太少

讀史

相如致文君納貨遂爲郎買臣耀其婦出守乞故鄉窮達
乃吾素不字良亦城中懶貽丈夫此語古所傷

銅山富鄧通金丸逐韓嫣炫奇固絕世所取亦已便昨從
長楊來寶馬珊瑚鞭顧影勿自驚愛惜茲少年

江館夜坐

細雨量牕紗孤燈坐落花去書愁斷雁歸夢惱啼鴉黯黯
濃陰合離離澹墨斜青衫今夜淚不是爲琵琶

寓感示同人

山水清音一再彈世間眞賞古來難騷場雅怨吟蘭草蕪

俗癡情畫牡丹詞客幾曾迷
下蔡才人都分嫁邯鄲分明
青鏡功名幻綠髮風前仔細看

春城絲管發高吟百罰離杯不厭深
天上古愁因破瑟山中新恨欲燒琴
江魚嶺雁浮沈苦檻鶴闌猿去住心留得
風懷好珍重幔亭涼月照分襟

江上見柳

問訊春江柳銷魂第幾枝
風前重照影那是展眉時
大隄隄上曲消息又經年
拋却楊花後朝朝獨自眠

舟中春思

春山不隔好簾櫳一路帆飛曉鏡中
烟水盡頭餘恨碧風花過眼是愁紅
慣聽碎玉聲聲脆曾寄真珠字字工
琴上

殘星箏上月不堪閑坐譜霜鴻

舟行

春影帶星流桃花水上舟翠銷愁越被香斷戀秦箏款語
禁殘夜離情抵遠遊怪來歸思切竹外叫鉤輈

春洲曲

草氣動山山欲浮搖風曳日煙絲柔蘭橈送影去如織家
家拾翠遊汀洲汀洲沙漲蒲牙滿綠鴨一羣眠不暖江南
春到長相思相思日長春日短斑驪日暮門前嘶裏簾一
笑山眉低少年馬上不回顧搖鞭自入花叢去

江隄晚行

日落大隄邊高樓上管絃打鶯紅樹彈走馬綠楊鞭錦瑟

愁長夜華樽惜少年近來花月好孤負過江天

荷網堂詩集卷六終

何綱堂詩集卷七

陽湖 劉嗣綰 醇甫

莊花閣集

甲辰乙巳

余家園有畫舫齋闌砌零落夏秋間惟紅蓼數株映帶煙水因易名莊花閣竟日坐對令人有江湖之思
愁問月樓

四山入畫卷簾旌喚得春歸費鳥聲樓上東風樓下水亂紅如雨幾時晴

斷魂

斷魂付與隔江霞青粉牆頭記謝家行處闌干都水面別來簾箔竟天涯能吹春恨空餘絮已嫁東風不當花從此

艷情拋得盡，爛將紅豆數年華。

惜春曲

小樓夢破黃梅雨，燕子朝來蹋香語。美人喚起鏡中愁，一
剪春寒墮金縷。沉沉蓮漏重門掩，愁如春深覺春淺。絨情
欲寄上元書，細字蠶眠裁蜀繭。銅盤高燒蠟，鳳皇翠被冷
落堆空牀。寒灰一夜淚痕濕，自撥熏籠空斷腸。

塵四十韻

暗網蠨蛸戶，晴絲牡蠣牆。灰輕飛畫閣，影薄暈迴廊。冉冉
和烟弱，冥冥引霧涼。乍昏雙瑣簾，旋卷六銖裳。灑落痕霏
雪，空明色搗霜。清言勝鋸屑，細步奪沈香。玉借杯間賭，珠
憑斛底量。拾殘非落唾，棄去似吹糠。語小醯雞覆，求全管

豹藏隙駒投可惜虛北擲何妨暗室誰來瞰明牕客坐忘
任從烏帽拂安用碧紗防俗子傾三斗高人撲半囊輸他
羅襪好笑我素衣忙西土空爲域東華輒是鄉二分應恨
淺十丈最憐長記得藍田暖曾經紫陌狂桃花初滾馬竹
葉正鞭羊豚脈攤錢女盈盈挾彈郎黃飛楊柳麴紅走荔
支筐自別鞦韆院從拋蹋踴場綺羅搜盡篋金粉疊空箱
向月閒凝榭因風倦繞梁罷承歌裏著還蹴酒旗颺蜜苑
蜂兒壘泥昏燕子堂尋螢思故苑覓虱念阿房匣鏡臺前
貯絃琴壁上張辟無犀一點懸有塵千行拂拭尋常慣吹
噓特地將當空仍瑟瑟隔路竟茫茫壯志清河朔窮年愧
洛陽車辭潘令拜扇向庾公障浩劫從頭墮風輪正未央

蓬心原變幻芥子太荒唐滄粟觀如是恒沙數恰當可知
山不讓空說海能揚隱隱蜩集曉團團螿磨腸涓埃終待
補織悉幾曾償木異莊生息聊同老子光前塵猶好在爲
爾再徬徨

雜憶

裊斷爐烟坐綺寮花枝恰對可憐宵相思泪似黃梅雨著
到郎衣不肯消

交疏牕子鬱金牀病服慵來改道裝買得羅襦憑寄遠千
鍼萬縷繡鴛鴦

西簾好語喚銀鈎剗地風來破曉愁忽報醱醱牕外雪矇
朧睡起不梳頭

薰香小像當維摩一卷金經禮貝多綺語近來都懣盡懶
拋紅豆到鸚鵡

陌頭

陌頭問訊舊楊枝可憶羊車並載時三月翠簾都在水幾
年青鬢漸成絲花從風去多生恨泥憶雲來一種癡愁煞
金鈴誰管得落紅和淚說相思

遙夜

遙夜空尋九折廊露花無語總悽涼玉清乍覺寒簧溼金
屋微聞寶瑟僵慘綠年華憐翡翠退紅水色泣鴛鴦人間
不分葳蕤鎖愁雨愁風到謝塘

浮雲篇

浮雲傍高樓日與飄風期飄風本無定浮雲任東西憶昔
歸君家妾年纔十六櫻唇的的朱蘭髻垂垂綠辛苦整花
鈿粧成得君憐期君同白首愛妾是紅顏紅顏易銷歇却
指天邊月妾意尙如環君心已成玦決絕在君心空勞宛
轉尋鹿盧終夜響妾淚及泉深上堂拜姑嬋欲行重徬徨
心知從此別不忍出空房請君膝上琴爲君續離絃時時
入君抱得與君纏綿還妾古銅鏡上有盤龍垂輕塵不忍
拂留取君容輝容輝無復接照見來時妾階下綠苔痕分
明舊行跡去去妾傷神君身是妾身毋爲憐故妾願得保
新人

湖灣曲

妾住湖灣裏開門日送郎莫聽欸乃曲一曲一迴腸
妾夢正搖搖湖邊上晚潮綠波分不得郎自割朱橈
湖水高於屋波心日日顛西風儂會使篷脚耍周旋
月子照彎彎郎隨妾往還郎身不把柁那得到湖灣

書扇

一閣秋河影瀟湘畫不如清歌吾慣聽濃笑爾能書艷雪
初生靨春雲未上梳仙風衣袖好只在卷簾初
不許春愁斷遊絲罨碧空芳名前度樹絮語小心風月額
描輕綠花鬢數落紅最憐闌畔路鈴索夜丁東

秋荷

碧雲天遠見湘妃木末秋光一片稀迴扇風前愁翠袖浣

紗水上怨紅衣空濛蘋葉吹將老消瘦菱花照已非恨煞
鴛鴦三十六香漂粉泊漸分飛

明月

明月美人憐秋來欲化烟魂離吳苑柳影墮越溪蓮夜杵
迴文裏寒鐙韻字邊客懷癡太絕愁坐碧雲天

舟夜

短艇接鱸香吳江十里長莫天霞意思秋水月風光遣興
琴三疊懷人字一囊誰家啼隻雁屏上是瀟湘

夢遊龍宮曲

海客夜騎金背蟾手持海水壺中添珊瑚網挂影如織滿
堂倒卷蝦鬚簾瓊鉤丁丁仙語悄海底窺天覺天小鮫人

宛轉進圓盤龍女抱珠眠不曉鼓中隱隱白鼉死喚起門
前老蛟子一輪潮上扶桑紅玻璃敲出聲玲瓏

津頭

疊鼓又黃昏津頭愴客魂暮鐘魚上市寒雨鳴歸村水竹
不離浦風帆時到門蓼花如我醉搖曳照清尊

檢陳葉雲遺詩作

招得騷魂入九歌把君詩卷一吟哦殿前楊柳風懷在湖
上芙蓉涕思多艷雪樓名照來長已矣綵雲飛去欲如何誰
憐玉樹生理後日對西風哭逝波

鷓鴣六韻

懊惱王鷓鴣年年住小樓琵琶呼隔院經卷伴深秋慧舌

三生巧羈心萬古愁落花唐代塚芳草晉時洲
慘綠憐如
此昏黃喚未休一聲紅豆曲悽絕下簾鉤

春詞

簾月深黃色屏春冶綠妝閒情挑鳳脰小語結羊腸
漢剪
千花勝秦篝百葉香東隣嬌姊妹艷說嫁文鴛

曉泊皋橋

酒醒不成夢舟中鶯亂啼曉風胥渡口殘月蘆湖西
世味
清於水人情醉似泥紅橋纔幾折草色已萋萋

賣花曲

艷雨溟濛壓春重花郎一曲簫聲送綠裝青笠過橋來
喚
被紅樓幾家夢酒旗小字搖翩躚鄰墻嫁杏知何年春人

買笑忽成恨滿院綠榆飛古錢瑣牕邃閣重重戶
睡眼看花花隔霧蝶魂天際戀孤香尋斷羅浮下山路

舟過吳江作

鷗波春遠碧於油
取次吳山拆曉愁
直到畫眉橋下立
桃花兩岸照梳頭
紅樓翠箔浴吳鷺
近水人家對碧嵐
鬢髯謝娘簾閣裏
幾絲春雨濕江南

出烏鎮

櫓聲聽不斷一碧是柔波
曉剪桑陰亂春衣竹桁多
水墩延白鷺山館出紅鷓
我是湖天慣殷勤拜浪婆

嘉禾舟興

剪得吳淞畫湖波坐渺然家臨鶯脰水人在鴨頭船酒味
如淮薄簫聲並月圓風懷誰得似愁絕是樊川

雨中望西湖

段橋寒食草青青依戀湖山幾曲屏二十四堆烟雨裏遠
天如墨畫西冷
湖水湖雲十載思湖天濃淡見西施誰憐翠被孤舟客冷
雨瀟瀟唱竹枝

漫憶

不見江南盛小叢落花如雪怨東風歌成白紵輕衫外夢
斷青綾薄被中歸去祇應聽謝豹飛來何處認韓馮紅闌
綠浪低徊遍幾樹垂楊有玉驄

吳閩雜詩

鶯囀花枝暮復朝
家家門巷喚錫簫
天涯被酒無情思
倚遍紅欄四百橋

香粉凋零淚未乾
夕陽酌酒倚闌干
銷魂第一桃花塢
背却春風不忍看

千絲楊柳拂姑蘇
眉意朝朝入畫圖
舊日宮鶯都不見
風前啼煞白頭烏

尋春繞遍闔閩城
草色裙腰逐隊行
幾點冷鴉留不住
女墳湖上作清明

萬頃湖光坐渺然
清歌一曲紫簫圓
夜來又是瀟瀟雨
愁斷吳爨六柱船

客館

客館逢寒食東風一樹鴉閒愁長泥酒小病且拚花野水
貪新穀牕雲妬綠紗玉笙吹不斷樓角是天涯

寒日後二日

畫出春雲卵色天暖風扶上紙寫絃寒牕氣味愁鑽火病
榻心情泥禁煙孤店杏尋山郭外一旗柳認寺門前啼鴉
啼鴉忽忽過好放朝來半晌眠
輕陰如霧罨牕紗風味清於穀雨茶深院懶開新鈿盒別
船空抱古琵琶年光過眼成燒筍春事關心到賣花遮莫
蹋青來曲巷十年塵夢隔東華

題倦繡圖卷

落花芳草春如繡金線家家壓春透深院無人日正高遊
絲百尺拖長晝東風竹桁吹衣裳僊裙翠地鋪瀟湘春江
昨夜怨離別畫工蹙損雙鴛鴦吐絨牕下描輕管轉碧回
黃閑不卷枕函一片綠雲頰玉骨如桃香更輭羅袖輕扶
欲化烟鳴梭拋擲向誰邊隔牆飄斷秋千脚胡蝶朝來瘦
可憐

春山

春山吾好友日在酒壚前淡極供吟寫狂來入坐眠流雲
茶塢地落絮幔亭天幾度尋幽思迴廊裊篆烟

不倒翁四十韻

傀儡登場日侏儒上殿年是翁驚絕倒相對學華顛脫畧

形骸古支離骨相全衣冠辭嫵媚巾帶喜蹁躑翠袖翻然
貯緋袍歷落穿老成供手澤兒戲博頭纏想入非非幻曹
分箇箇圓丸泥封宛轉寸紙撮連綿雞卵安排細鵝毛點
綴妍膏應塗獺髓膠豈續鸞弦頂合須彌後眉開混沌先
腰圍殊古抽面目劇新鮮散髻如王儉編髮借褚淵兩頭
纖未穩半角巾仍偏跌宕香車畔輕盈畫舫邊丹青三市
價金粉六朝綠岸上人誇璧河間女數錢拈來真信手拋
去總齊肩空洞卿容百低昂客算千由他常拙強與我慣
周旋小立竿頭蕉徐擎掌上蓮自然工十起渾不耐初眠
遂闢傳腸戶因開賭酒筵座薰香掾袖腮擊粉侯牋燭滅
齊纓絕響遺楚鳥聯蹋搖雙把臂鉤弋一張拳豆想荒唐

撒花驚頃刻傳登臺偏袞袞入世太翩翩顧影珠盤側呼
名玉局前風流今掃地覆鑠舊生天頭腦冬烘惜身軀躑
躑憐折腰慚僕僕捫腹笑便便口竟銜碑在腸原與石填
衝泥逢鄭婢挾彈逐韓嫣去住將安託升沈亦屢遷生涯
桃梗客世事橘枰仙俛仰行如此挪揄豈偶然紛紛都紫
綬落落但青氈放浪雖無禮扶持儘有權泥塗珍重在莫
便道旁捐

重過

亞字闌干曲象廊逢山曾住舊劉郎等閑燕子無消息捲
却珍珠十二行

東風吹送碧城鸞眼底花如霧裏看花自無言鈴自語小

紅樓角訴春寒

湖興

柳浪沸春聲闌干四面鶯湖光烘薄日天色研新晴勝賞
邀紅友閑情付墨卿浪遊何所得詩酒是浮名

春江有寄

飄斷春人鬢幾絲烟江何路了相思閑情出世山眉學短
夢還家水枕知黃淡風光楊柳曲綠肥消息海棠詞人間
浪費才多少孤負涼宵翠被池

春暮湖樓得句

簾紋簾影可憐生一樹垂楊一種情碧檻空時齊放鴨紅
樓好處不離鶯半春心緒爭飛絮四月風光又賣櫻還擬

綠章親奏了濃陰再放幾天晴

雨後出溪上

魚雲鱗鱗行屋底滿地濕紅扶不起溪邊曳得烟梢長一
夜籜龍生綠尾碧紗籠烟涼霧薄家家畫船如畫閣門前
飛出雙鷗鷁滿引湖波勸春酌沈沈晝漏滴不休漲痕三
尺平橋頭生綃剪破不成畫枝枝橫竹江南愁

野泛

柔櫓一溪煙輕寒五月天人家菰葉外漁唱竹枝前澹澹
鷗心遠泠泠鶴骨仙柁樓霞正好把酒話長年

無端

無端陌上感華年拾得遺簪與墜鈿曲逕交燈春宴夜芳

塘攬鏡曉粧天愁來黯黯還臨水月墮茫茫欲化煙七十
文鴛漂泊盡傷心都到野鷗邊

題徐朗齋秦淮遊草卽送其再赴秦中

清淮記得卷簾波聽爾新聲子夜歌一樣柳條持送別青
門愁比白門多

吳山點點暮江頭綠酒銀尊喚客愁回首兩行箏柱雁月
明飛上小涼州

采蓮詞

采蓮湖中流郎來妾蕩舟蓮花如欲語教妾只低頭
蓮根在水中蓮葉在水面蓮葉語蓮根生來不曾見
妾唱想夫憐送郎還極浦不采蓮房歸不知妾心苦

野塘

陂水澹於秋，秋邊數點鷗。
推篷新月上，打槳斷霞流。
空翠有諸相，冷紅餘片愁。
莫蟬無賴甚，嘶斷驛旁樓。

呂城

返照下墟落，牛羊空際明。
雲深劉寄壘，草沒呂蒙城。
遠樹分雅色，寒蘆聚雁聲。
白衣搖櫓後，終古莫潮生。

冬閨曲

山眉低空慘如睡，生色屏風鎖寒翠。
黃梅一樹夕陽斜，時有吟蜂抱香墜。
酸風吹人入簾隙，玉娥呵手衫稜窄。
花陰不放剪刀遲，線壓闌干無一尺。
麝煤搖綠霜燈昏，壺中淚結紅冰痕。
香灰撥盡傷心字，夜夜熏籠不肯溫。

尚綱堂詩集卷七終